

漢書疏證

漢書疏證卷三十

吳 沈欽韓撰

嚴朱吾邱主父徐傳

出虎符發兵

唐六典符寶郎出納符節藏其左而班其右以合中外之契銅魚符所以起軍旅易守長王畿之內左三右一

王畿之外左五右一

左者在內右者在外行用之日從第一爲首後事須用以次發之周

而復始

宋史兵志康定元年頒銅符篆曰某處發兵符下

鑄虎豹爲飾而中分之右符五左旁作虎豹頭四左符五右旁爲四竅令可勘合又以篆文相向側刻十千字

爲號左五符留京師左符降總管鈐轄知州軍官高者
掌之凡發兵樞密院下符一至五周而復始指揮三百
人至五千人用一虎一豹符五千人以上用雙虎豹符
使者齎宣樞密院傳旨謂之宣頭同下第一符發兵與使者復緘
右符以還又與服志高宗建炎三年改鑄虎符以銅爲
之長六寸濶三寸刻篆而中分之以左契給諸路右契
藏之明以金牌用寶調發非古制

以節發兵會稽

六典云旌以專賞節以專殺故助得斬司馬也

新書百官志節

度使辭曰賜雙旌雙節行則建節樹大纛入境州縣築節樓迎以鼓角衛杖居前旌幢居中大將鳴珂金鉦鼓

角居後州縣齋印迎于道左罷秩則交廳以節度使印
自隨留觀察營田使等印以郎官主之鑰節按節堂以
節院使主之按地官掌節注邦節者珍圭牙璋穀圭琬圭琰
圭也彼皆是至故趙岐孟子注節玉節也掌節又有角
節虎節龍節人節皆金也注云角用犀角其制末聞皆
非漢所用惟道路用旌節注云今使者所擁節是也司
常注云全羽折羽皆五采繫之于旒旌之上所謂注旌
于干首也夏采注云綏以旌牛尾爲之綴于幢上所謂
注旌于干首王建大常今以之復去其旒異之於生然
則漢之使節但繫旌徒綏亦去旒不用故蘇得卧起操
持也劉屈氂改用節上黃旌明是以旌牛尾宋史儀衛

志云黑漆竿上施圓盤周綴紅絲拂八層黃繡龍袋籠之王公以下皆有節韜以碧油乃出道家之說非禮制也

明志禮部奏漢光武時以竹爲節柄長八尺其毛三重黃公紹韻會注漢節柄長三尺

東甌

溫州府志東甌王故城在永嘉縣西南三十里

贅子

韓愈柳子厚墓誌銘柳州俗以男女質錢約不時贖子本相質則沒爲奴婢如淳之說非虛也淮南本經訓贅妻鬻子注贅從嫁也或作賃妻與此贅子義同說文贅以物質錢也從敖貝贅者猶放貝當復取之

輿轎

轎字始見於此玉篇轎小車也巨名奇朝二切廣雅輶

也史記何渠書山行卽轎禹本紀山行乘櫜徐廣曰櫜

一作轎文子自然篇沙用駢

釋音乃鳥切

卽轎之類也淮南

主術訓橋直植立注云橋桔皋上衡也植柱權衡者行

之俛仰取制於柱也與曲禮注同

釋文音居廟反

此輿轎者亦

以轆轤縣絕而下所謂梯山是矣

徐鍇說文繫傳山行乘標謂以索系木以

自固而行鄧艾伐蜀以葛自裹懸繩以墜是也與鄙意合

非後世肩輿之制也宋史

輿服志中輿以道路阻險許百官乘轎其制正方飾有

黃黑二等凸蓋無梁以蔑席爲障左右設牖前施簾昇

以長竿二此則今之轎也

夾以深林叢竹

唐薛能集自注云蜀人謂稅戶爲排戶謂林爲叢箐集韻作箐云竹茂兒

處之上淦

明統志新淦故城在臨江府東六十里漢時縣治此然地理志僅有新淦縣而此云上淦方輿紀要淦水在臨江府南三十里新淦縣既遷水遂屬清江縣其發源自縣東南茂材鄉之離嶺經紫淦山出洋湖至清江鎮會蛇溪水入贛江又按寰宇記信州玉山縣東五里有上

干溪水一統志上饒江在廣信府府城南上源卽上干溪聲近或今之上干溪歟

必下嶺水

寰宇記大庾嶺一名臺嶺在虔州

南宋改贛州

西南二百五

十里大庾縣西南二十里貢水源出雩都縣新樂山從東南流入贛縣界經州西北流入十里至縣郭東北二十里與章水合流章水源出大庾縣界聶都山從南康縣東北流合西扶良熱等水流三十里入贛縣郭與贛水合焉明一統志贛水在贛州府城北章贛二水合而爲一北流至吉安府萬安縣其間爲灘十八一統志自

贛水而上信豐甯都俱有石磧險阻視十八灘故俚俗
以爲上下三百里贛石九灘在贛縣界九灘在萬安縣
方輿紀要貢水源出福建長汀縣新路嶺西經瑞金會
昌屬贛州府及雩都縣境南北支州悉匯入專循此書所云
下嶺水蓋由貢水上流入贛江此閩越之徑也

餘平界中

一統志餘汗故城在饒州府餘干縣東北

伐材治船

晉書盧循傳循姊夫徐道覆密欲裝舟艦乃使人伐舩
材于南康山僞云將下都貨之後稱力少不得致卽於

郡贖賣之價減數倍居人貪賤而市之贛石水急出船甚難皆儲之及道覆舉兵按費券而取之無得隱匿者乃并力裝之旬日而辦按越船不能過嶺故須于大庾嶺北別治船與徐道覆事正同

閩越王弟甲甲非名已如日知錄所駁

監祿鑿渠通道

淮南人間訓使監祿轉餉以卒鑿渠通糧道注云鑿通湘水離水之渠寰宇記秦鑿渠在桂州興安縣二十里本灘水自柘山之陰西北流西北流至縣西南合零渠五里始分爲二水昔秦命御史監祿自零陵鑿渠至桂

林故漢歸義侯趙嚴爲戈船將軍出零陵下灘水卽此

郡國志後漢伏波將軍馬援開湘水爲渠六十里穿度

南城今城南流者是因秦舊瀆耳至唐寶曆初渠道崩

壞舟楫不通觀察使李渤遂疊石造橋如鐔觿

范成大石湖集

鐔觿在興安縣五里

劈水分二水置石斗門因便制之在人開閉

開灘水則全入于桂江擁桂江則盡歸于湘水鑿分水

渠三十五步以便行舟輿地廣記桂州理定縣有靈渠

故秦史祿所鑿後廢唐李渤立斗門十八以通漕俄又

廢咸通元年刺史魚孟威以石爲鐔隄亘四十里值大

木爲斗門至十八重乃通巨州

全唐文有記新唐書止載李渤事而不記魚孟

威
范成大曰湘水源于海陽山在此下融江融江爲牂
柯下流本南下興安地勢最高二水遠不相謀史祿始
作此渠派湘之流而注之融使北水南合北舟逾嶺其
作渠之法相湘流沙磧中疊石作鐸背銳其前逆分湘
流爲兩激之六十里立渠中以入融江與俱南渠繞興
安界深不數尺廣丈餘六十里間置斗門三十六人
但謂之斗門舟入一斗則復閘斗俟水積漸進故循巖
而上建瓴而下千斛之舟亦可往來治水巧妙無如靈
渠者

迺發適戍以備之

明志桂林府臨林縣北有秦城相傳秦時戍守處亦雅
秦始皇發卒戍五嶺地爲秦城之北二十里有巖關鳥
道不可方軌臨灘融二水間去桂八十里

執事之顏行

管子輕重甲士爭前戰爲顏行

廝與之卒

鷦冠子博選篇四曰廝與五曰徒隸何休公羊注刈草
爲防曰廝

而四維之也

晏子外篇不舉四維將不正秦策呂不韋說陽泉君曰

甯子泰山四維

農夫勞

至

智者擇焉

語見文子上德篇趙策趙武靈王胡服趙文諫語同

於冶南

方輿紀要故冶縣在福州府冶北吳錄云越勾踐冶鑄處也漢閩越國都冶山前故曰越王山閩志冶山在府城東北

承明之廬

說苑脩文篇天子左右之路寢謂之承明何也曰承乎明堂之後者也

天王出居于鄭

陸賈新語無爲篇周襄王不能事後母出居于鄭而下
多叛其親是時公羊學未行蓋衰周以來相傳之俗說
也洎公羊著竹帛乃竊取之

奉三年計最

韓非外儲右西門豹爲鄴令期年上計漢法亦以歲盡
上計預歲首大會而遣歸此三年計最蓋遠郡如此

見後

漢書西
南夷傳

吳人也

一統志朱買臣宅在吳縣穹隆山相傳寺基故址也

負戴相隨

御覽

樂部

琴清英祝牧與妻偕隱作琴歌云天下有道我

黼子佩天下無道我負子戴按今吳縣西四十五里有
藏書廟郡志云是朱買臣樵薪誦書處

歌嘔

淮南泰族訓王遷思故鄉作爲山水之嘔是嘔古謳字
餓死溝中耳

荀子榮辱篇操瓢囊爲溝壑中瘠

將重車

重以大車駕牛俗通

四

汝南戴幼起爲上計吏獨車載

衣資表汝南太守上計吏戴紹車彼獨車乃鹿車明他計吏固有衣裝大車也計吏職貢方物所載不上衣食具也

居保泉山

師古所指乃今福州府之越王山

福州唐初泉州非也寰宇記

泉山在泉州晉江縣北五里州因此爲名方輿紀要東越王居保泉山卽此

去泉山五百里居大澤中

此則今之漳州也元和志泉州正南至漳州三百五十里方輿勝覽漳江在漳浦縣南梁山下紀要漳江在縣

南八十里

步歸郡邸

西京雜記買臣懷章綬還至舍亭而國人未知也所知錢渤見其暴露乃勞之曰得無罷乎遣與紈扇買臣至郡引爲上客尋遷爲掾史

吾邱壽王

說苑善說作虞邱壽王新序列女傳楚莊王令尹有虞邱子說苑敬慎篇有吾邱子御覽七百六十四作吾邱注吾一曰虞

善格五

夢谿筆談或謂之蹙戎漢書謂之格五數棊其行

一道西京雜記陸博法用六著或謂之究

方言簿謂之蔽或謂之箭

楚詞注投六著行六棊故爲六簿也按此用竹著秦昭王以博箭著華山頂者又一法也列子說符注古博經博法二人相對坐向局局分十二道兩頭當中名爲水用棊十二枚法六白六黑又用魚二枚置于水中其擲采以瓊爲之瓊髮方寸三分長寸五分銳其頭鑽刻瓊四面爲眼亦名爲齒二人互擲采行棊棊行到處卽豎之名爲驍棊卽入水食魚亦名牽魚每牽一魚獲二籌翻一魚獲三籌若已牽兩魚而不勝者名曰被翻雙魚

彼家獲六籌爲大勝按列子云博者射明瓊張中去聲反

兩擄魚而笑卽所云被翻雙魚也殷敬慎釋文六博經

采獲中翻得兩魚大勝楚策唐且見春申君曰夫梟碁之所以爲

能者以散碁佐之夫一梟之不如五散亦明矣魏策博

者之用梟欲食則食欲握則握史記魏世家云所以貴

梟者便則食不便則止卽此食魚恐被翻故云不便則

握淮南泰族訓行碁者或食兩而路窮或予踦而取勝

此見雖得食魚尙有對家爭勝故楚詞云成梟而牟呼

五白些王逸注五白簿齒也言碁已梟當成年勝張食

碁下兆于屈故呼五白以助投此格五者只用五碁故

數五而格後漢書梁冀傳注引鮑宏纂經與劉德同漢
魏後謂之五木沈括所云蹙融今亦不知其名列子仲
尼篇注有人擲五木百擲百盧格與擲聲同

起白屋

程大昌演繁露春秋莊公丹雘宮楹非禮也在禮楹天
子丹諸侯黝堊大夫蒼士黹黹黃色也按此卽士以上
屋楹方許循等級用采色庶人則不許是以謂爲白屋
師古云以白茅覆屋古無其傳也後世諸侯王及達宦
所居之屋皆飾以朱故曰朱門朱邸言朱以別於白也
鼎爲周出

公羊桓二年傳注周家以世孝天瑞之鼎以助享祭

後坐事誅

御覽

八十

漢武故事曰上性嚴急不貸小過汲黯每諫

曰陛下愛才樂士來之無倦比得大勞苦神明未盡其
用輒已殺之士資無已之誅臣恐天下賢才將盡陛下
欲與誰爲治乎按此武帝所以悔于壽王之誅也

天子大愷

見司馬法仁本篇

爭者末節也

尉繚子兵議兵者凶器也爭者逆德也說苑指武篇屈

宜咎語同

運糧以行重不及事

孫子軍爭篇舉軍而爭利則不及委軍而爭利則輜重捐

以守北河

戴震水地記黃河行三受降城之南謂之北河水經注

河水屈而東流爲北河東逕高闕南山下有長城自高

闕以東夾山帶河陽山以往皆北假也蒙括所取陽山在鐵

柱谷西北二百里自谷東至歸化城三百六十里南至

黃河鄂爾多斯界五十里今爲瓦喇所瓦喇卽吳喇忒本中受

降城

獸聚

至搏景

管子兵法善者之爲兵使敵若據虛若搏景鹽鐵論備胡篇利則虎曳病則鳥折此獸聚鳥散也

兵久則變生事苦則慮易

孫子作戰篇兵聞拙速未覩巧之久也夫兵久而國利者未之有也三略兵老則將威不行將無威則士卒輕刑失伍逃亡敵乘利軍必喪

存亡在所用

周書王佩解存亡在所用離合在出命

逆節萌起

管子勢篇逆節萌生天地未形先爲之政其事乃成

越語

施蠡對越
玉語同

上從其計

新序

十

于此下因禁馬弩不得出關絕遊說之路重附

益諸侯之法急註誤其君之罪諸侯王遂以弱

五鼎食

張晏解爲牛羊豕魚麋按聘禮注少牢鼎五羊豕腸胃

魚腊是五鼎無牛也正鼎九腊用麋少牢饋食禮五鼎

羊豕膚魚腊腊用麋

上腊
用兔

在于土崩不在瓦解

淮南泰族訓紂士億有餘萬武王麾之則瓦解而走土崩而下

圖王不成其敝足以安

御覽

七十

桓譚新論曰儒者或曰圖王不成其敝可以

霸後漢書王元說隗囂亦作霸

嚴終王賈傳

人人自以爲更生

韓詩外傳民勞思佚治慕思仁刑危思安國亂思天

尉陀將卒戍越

任囂之誤使囂戍越因爲海尉趙陀應以偏裨與行耳
窮兵之禍也

齊策蘇代曰用兵窮者亡

此人臣之利

韓非定法篇戰勝則大臣爭按宋富弼說契丹主本此
年十八選爲博士弟子

見儒林傳年十八以上也民年二十三爲正卒蓋光優
假之五年五年無成則給繇役無所憾

隨畜薦居

言隨畜牧居于水草爾雅翼薦澤草之名三蒼六畜所

食曰薦莊子亦知麋鹿食薦師古解薦爲屢固執居不安住之說不通

劾偃矯制大害

功臣侯表注如淳曰律矯詔大害要斬唐職制諸侯上書奏事卽誤有害者各加三等杖六十注云有害謂當言勿原而言原之當言千疋而言十疋

顓己之宜

繁露精華篇公子結受命媵陳道生事從齊桓盟春秋弗非以爲救莊公之危公子遂命使京師道生事之晉春秋非之以爲是時僖公安甯無危也故有危而不專

海國圖志卷三十一
救爲之不忠無危而擅生事是梟君也軍義本此

膠東南近琅邪

漢志膠東國治卽墨方輿紀要卽墨故城在平度州東南六十里今俗稱爲朱毛城

予軍繻

繻卽過所書紙也盧氏旣濟卦注繻者布帛端末之識也

橫草之功

言刈草爲防與搜狩之役

九江被公

御覽

八百五十九

宣帝詔徵被公見誦楚詞被公年衰老每

一誦輒與粥

依鹿鳴之聲

鹿鳴之樂漢見存也唐行鄉飲酒禮亦歌鹿鳴通典

禮三

十開元十八年宣州刺史裴耀卿上疏曰州縣久絕雅

聲不識古樂請于太常調習雅聲則當時歌鹿鳴自有

雅聲也禮儀通解詩樂篇載小雅六詩譜二南六詩譜

朱氏亦疑其妄云古樂有唱有嘆唱者發歌句也和者

繼其聲也詩辭之外應夏有疊字散聲以歎發其趣故

漢晉之間舊曲既失其傳則其辭雖存而世莫能補故

爲此也若但如此譜直以一聲叶一字則古詩篇篇可
歌無復樂崩之歎矣夫豈然哉愚攷宋史樂志政和七
年典樂裴宗元言乞按習虞書賡歌夏之五子商之那
周之關雎麟趾騶虞鵲巢鹿鳴文王清廟之詩則彼時
固嘗試之爲大晟制作大抵如此而傳其譜者托開元
以自重至于今非特漢鹿鳴之聲不可知卽開元太常
之雅亦茫然矣

朱氏又云十二詩譜乃趙彥肅所傳云
卽開元遺聲也江永禮書綱目云趙彥

肅朱子門
人字子欽

論太牢之滋味

列子楊朱篇周諺曰田父可坐殺一朝處以柔毛綈幕

薦以梁肉蘭橘心痛體煩內熱生病矣

五始之要

說苑尊賢篇其惟五始之要治亂之端在乎審已而在賢也

王良執靶

晉語尹鐸以其賞如伯樂氏韋昭注與張晏同師古旣云參檢內外傳而不知王良字伯樂反以張晏爲失不亦陋乎

韓哀附輿

呂覽勿躬篇韓哀作御按自大撓至巫咸類謂之中古

卷之三
之人非韓文侯

卑辱奧渫

易解荀爽曰渫去穢濁清潔之義也王弼云渫不停汙之謂也向秀曰渫者浚治去泥濁也按井而待渫則爲汙濁矣與張晏注汙也義相生

伯牙操遞鍾

淮南脩務訓鼓琴者期于鳴廉脩營而不期于濫脇號鍾宋書樂志齊桓琴曰號鍾雲笈七籤軒轅本紀黃帝之琴名號鍾作遞者俗寫誤

逢門子彎鳥號

諸書作蠡門之蒙同聲

鹽鉄論作逢須

韓詩外傳

六

齊弓人之

妻見景公曰此弓者泰山之南烏號之柘

偃叩詘信

熊經鳥伸若五禽之戲也

啍噓呼吸

數息服氣

使褒往祀焉

後書西南夷傳注王褒碧雞頌曰持節使者王褒謹拜
南崖敬移金精神馬縹碧之雞處南之荒深谿回土非
土之鄉埽來歸來漢德無疆廉平唐虞澤配三皇一統

志金馬山在雲南府昆明縣東二十五里碧雞山在縣西南三十里

南方海中州居

寰宇記崖僭振瓊萬安五州都在海中州方千里四面抵海北渡海揚帆一日一夜至雷州明志瓊州府定安縣南有五指山五峯高大亦曰黎母山黎人恃其深阻據爲窟穴歷代常爲寇患山外爲熱黎內爲生黎一統志珠崖故郡在瓊州府瓊山縣東南縣志在縣東南三十里東潭都卽漢潭都縣

其民暴惡

寰宇記生黎殺行人取齒牙貫之于項以銜驍勇弓刀
未嘗離手

吏亦酷之

吳志薛綜傳珠崖之廢起于長吏覩其好髮髡以爲髮
長城之歌

水經注

河二

楊泉物理論曰秦築長城死者相屬民歌曰

生男慎勿舉生女哺用脯不見長城下尸骸相支柱

陳琳

飲馬長城窟
行用此語

驚旗在前

宋史輿服志鸞旗車漢爲前驅赤質曲壁一轅上載赤

旗繡鸞鳥駕四馬駕士十八人

斷獄萬數

風俗通云太宗時明民重犯法治理不能過中宗之世地節元年天下斷獄四萬七千餘人如捐之言復不類前世斷獄皆以萬數不三百人按捐之言文帝斷數百也宣帝斷獄四萬七千餘人蓋通計疑錯以上若如應劭言豈宣帝時反酷于武帝數倍必不然矣

父子同川而浴

尙書大傳吳越之俗男女同川而浴任昉述異記桂林東南海有裸川

相習以鼻飲

御覽

七百八十六

裴淵廣州記曰烏潯人以鼻飲水口中進

咱如故桂海虞衡志南人習鼻飲有陶器旁植一小管
若瓶背赤雅鼻夷獠族鼻如垂鈎隅目好殺深明水脈
間出市鹽與之酒鼻飯輒盡

顙顙

淮南覽冥訓猛獸食顙顙民按顙猶蠕柘跋燾以柔然
爲蠕蠕也

期思侯並可爲諸曹

錢大昕曰侯並當是人姓名期思其所居縣期思侯賁
赫薨于文帝時以無後國除安得更有嗣位者師古說

漢書疏證卷三十一
非是

汲直

蜀李雄號范長生爲范賢汲直之比也

漢書疏證卷三十終

浙江書局重刊

丁立誠校

吳士鎔校

高復祥校

漢書疏證卷三十一

吳 沈欽韓撰

東方朔傳

厭次人也

明統志厭次故城在濟南府陵縣東北三十里

少失父母

洞冥記東方朔父張夷字少平妻田氏女夷二百歲顏

如童子朔生三日而田氏死時景帝三年也論衡

道虛篇

又言東方朔姓金氏皆俗說也朔自言少失父母其父
豈得二百歲乎

誦二十二萬言

釋言邢昺疏論語曰詩三百一言以蔽之曰思無邪左
傳趙簡子稱子太叔遺我以九言皆以一句爲一言漢
書東方朔誦二十二萬言則以一字爲一言也邵晉涵
曰戰國策臣請三言而已曰海大魚左傳疏引易說云
伏羲作十言之教曰乾坤震巽坎離艮兌消息是則一
字爲一言其來已久

齒若編貝

韓詩外傳九引傳曰目如擗杏齒如編貝古語已久

高自稱譽

韓非說林鄙諺所謂虜自賣裘而不售士自譽辨而不信

守宮

御覽三十淮南萬畢術曰七月七日採守宮陰乾之合
以井華水和塗女身有文章卽以丹塗之不去者不淫
去者有姦張泌妝樓記開元初宮人被進御者日印選
以綢繆記印于臂文曰風月常新印畢漬以桂紅膏則
水洗色不退按桂紅膏者亦守宮之類

臣嘗受易

東方朔有靈棊經詳藝文志按管輅射覆亦以易卦其卦辭

蓋如焦易林有立成法也

郭舍人

西京雜記郭舍人善投壺激矢令還一矢百餘反謂之爲驍言如博擊梟於掌中爲驍傑也每投壺輒賜金帛
樹上寄生

寄生卽是寓木苑童附著樹支其局縮鬱卷旁自生枝節有類于鉤故蘇林爲鉤貫物者也鄭樵草木略寄生有兩種一種大者葉如石榴葉一種小者葉如麻黃葉其子皆相似大者曰蔦小者曰女蘿政和本草圖經曰葉如橘而厚軟莖如槐枝而肥脆三四月生花黃白色

六月七月結實黃色如小荳大凡櫨櫟柳水楊楓等上皆有寄生惟桑上者堪用斷其莖而視之色深黃并實中有汁稠黏者爲真按寄生樹爾雅本草詳矣顏籀必以爲芝蘭之類不解其何心也

是窠數也

釋名窠數猶局縮皆小意也按何晏景福殿賦蘭栴積重窠數矩設注言蘭栴重疊交互以相承有似窠數故借其名焉則蘇林四鎖鐵鉤之義也鉤鎖相連卽是局縮小意師古以爲戴器無稽之說續博物志王獻之戴餅人結茅爲經以戴頭上狀如環此演師古之說也

栢者鬼之廷也

陵寢兆域爲栢城齊書王僧虔傳鬼惟知愛深松茂栢
标呌牙者兩犬爭也

秦策投之一骨輕起相牙有爭意也龍龕手鑑呌與呌
同牛鳴也

伏日當蚤歸

宋史職官志秘書省官遇庚伏則前期遣中使諭旨聽
以早歸所以待遇儒臣非他司比

歸遺細君

褚先生補傳朔時詔賜食于前飯已盡懷其餘肉持去

衣盡污數賜縑帛擔揭而去徒用所賜錢帛取少婦于
長安中好女率取一婦歲取者卽弃去更取婦所賜錢
財盡索之于女子左右諸郎率呼之狂人觀此可知細
君非妻名又
不可自稱其
妻爲小君

微行始出

御覽

八十

漢武故事曰與霍去病等十餘人

按建元三
年疑霍去

病尙未
入侍

皆輕服爲微行且以觀戲市里察民風俗嘗至

蓮芍通道中行人皆奔避路上怪之使左右問之云有
持戟前呵者數百人時微行率不過二十人馬七八匹
更步更騎衣如凡庶不可別也又嘗至栢谷亭夜宿亭

長不內乃宿于逆旅逆旅翁謂上曰汝長大多力當勤稼穡何忽帶劍衆夜行此不欲爲盜則淫耳上嘿然不應因乞漿飲翁答曰吾止有溺無漿也有頃遠內上使覘之見翁方與少年十餘人皆持弓矢刀劍令主人嫗出接過客嫗婦謂其翁曰吾觀此丈夫非常人也且亦有備不可圖也天寒嫗酌酒多與夫及諸少年皆醉嫗自縛其夫少年皆走婦出謝客殺雞作食平旦上去是日還宮乃召逆旅夫妻見之賜嫗千金擢夫爲羽林郎自是懲戒希復微行

按此事潘岳西征賦言之定不妄也

阿城以南

長安志秦阿房宮一名阿城在長安縣西二十里西北
三面有牆南面無牆周五里一百四十步十六國春秋
曰苻堅建元二十年慕容冲據阿房城舊唐書太宗趣
潘仁向善志等歸附之衆頓阿城獲兵十三萬女苑英華
張賁然茹公碑葬於京兆長安縣永平鄉阿房殿之墟
宜春以西

三輔黃圖宜春下苑在京城東南隅杜縣東近下杜
累郎臺

龜筮傳左疆教紂爲象郎將至于天

殷作九市之宮

御覽

一百七十三

六韜曰殷君喜治宮室七十三所大宮百

里宮中九市初學記

居處部

太公六韜曰武王伐殷得二

大夫問曰殷國將亡亦有妖乎曰殷君喜脩宮室大者

宮室九市

按尸子君治篇天下者宮中三市而堯鵠居周策齊桓公宮中女市女閭七百韓非難篇

桓公宮中二市婦閭二百所謂九市三市二市蓋永巷之長也初學記又引戰國策曰齊國將亡亦有妖乎其一人曰齊桓公宮中七市桓常作酒

遂起上林苑

御覽

四百五十七

東方朔別傳曰人有殺上林鹿武帝大怒

下有司殺之羣臣皆相阿殺人主鹿大不敬當死東方

朔時在旁曰是人罪當死者三使陛下以鹿之故殺人

一當死使天下聞之皆以陛下重鹿賤人二當死匈奴

卽有急推鹿觸之三當死武帝默然遂釋殺鹿者之罪

冊府元龜

七百九十七

武帝時建章宮後閣重閣櫟中有物

出焉其狀如麋以聞帝往臨視之問左右羣臣習事通經術者莫能知詔東方朔視之朔曰臣知之願賜美酒梁飯大食臣臣朔乃言詔曰可以餐又曰某所有公田魚池蒲葦數頃須陛下賜臣臣朔乃言曰葦所謂騶牙者也遠方當來歸義而騶牙先見其齒前後若一齊等若牙故謂之騶後一歲匈奴渾邪王果將十萬衆來降按建章宮在太初元年立渾邪王于元狩二年降小說不堪檢點如此姑附志之

主傅

漢官儀長公主傅秩千石

或云六百石

中行說傅翁主卽此

官師古妄說

銷憂者莫如酒

述異記漢武帝幸甘泉長安阪道中有蟲赤如肝頭目口齒悉具人莫知也東方朔曰此古秦獄地積憂所致夫積憂者得酒而解乃取蟲置酒中立銷

號曰董君

藝文類聚

二十

史記曰董偃與館陶主家兒博戲殿下

主伏檻視之偃負財饒人勝則有讓主益奇之

中府

漢官儀公主私府秩六百石

大爲主費

按漢之儀法不可考武林舊事高宗幸張府節次畧云

張俊進奉繡花高飣一行八果壘樂仙乾果子叉袋兒

一行鏤金香藥一行雕花蜜煎一砌香鹹酸一行脯腊

一行垂手八盤子再坐切時果一行時新果子一行雕

花蜜煎一行砌鹹酸一行瓏纏果一行脯腊一行下酒

十五盞

第一盞花炊餛飩子荔枝白腰子第二盞脯房發

三碗羹

第三盞羊舌羹第四盞牙肚脰第五盞沙魚膾炒

餛飩子羹第五盞肚脰膾鴛鴦煤肚第六盞沙魚膾炒

沙魚襍湯第七盞鱸魚炒蟹鶻豚掌湯壺第八盞螃蟹

釀橙燭房玉葉羹第九盞鮮蝦蹄子膾南炒鱸第十盞
 洗手蟹鱗魚假蛤蜊第十一盞五珍膾螃蟹清羹第十
 二盞鵝子水晶膾豬肚假江瑤第十三盞蝦橙膾蝦魚
 湯齋第十四盞水母膾二色蒲兒羹十五盞蛤蜊生血
 粉羹其插食炒白腰子炙肚胘炙鵝子脯
 潤鷄潤兔炙炊餅燴骨按以下文煩不載
 勸酒果子庫
 十番廚勸酒十味準備上細壘四卓又次細壘二卓對

食十盞分二十對展每分時果子盤兒晚食五十分直殿

官大樸下酒鴨鰾類十一件值殿官合子食脯鷄等十一件值殿官果

子十隔準備薛方外官食次第評章傳秦檜燒羊

十味大碗百味羹糕兒盤勸簇五十饅頭血羹燒羊頭
 雜簇從食五十事肚羹羊舌託胎羹雙下大勝子三脆
 羹鋪羊粉飯大簇釘鮮糕鵝子蜜
 煎三十樣時果一合酒三十瓶
 第二等樞密丞級殿
 帥湯存中太尉吳益兩郡王各食十
 第三等侍從七員
 味蜜煎一合切燒羊一盤酒六瓶
 第三等管軍二員

知問六員各食七味
蜜果一合酒五瓶
第四等環衛官九員宣贊舍人十
班祗候八人提點兼祗應行首五人三省樞密房副承
旨六人隨駕諸局幹辦監官等十人各食五味時果一
合酒
第五等閣門承受十人知班十五人御聽叫喚中
二瓶
官等五十分
各食五味斬羊一斤饅頭五十箇角子
一箇鋪薑粉飯下飯鹽鼓各酒一瓶
又
進奉盤合寶器古器汝窯合仗書畫匹帛
號共六萬九
千五百九顆
進奉犒設
隨駕官紫羅五百匹雜色緞羅
他物稱是
錢二萬貫炊餅二萬個熱猪肉以
禁衛一行祗應人等
三千斤燒爆三十合酒三千瓶以
是推之則車駕邀留之費固鉅矣

主人翁

宋王諷賦臣嘗出行僕飢馬疲正值主人門開主人翁

出綠幘傳韞隔禮儀志黑幘上下通服之庖人則綠幘
古今注穠衣廝役之服也取其便于用耳乘輿進食者
服穠衣漢董偃綠幘青韞加穠衣以見武帝廚人之按
韞卽是穠衣非別有穠衣穠字當爲攘鄉射禮注遂射
韞也其非射時則謂之拾拾歛也所以歛衣滑稽傳親
有嚴容髡帻韞鞬徐廣曰帻收衣袖韞臂捍也按此
卑幼當行酒供炙故亦服與此傳韞事同也列女傳文
伯引衽攘捲淮南原道短袂攘捲捲疑爲衽皆是韞束其袂
以便手作卽古今注云攘衣者矣攘衣必須傳韞御覽
八百十六漢舊儀曰大官賜官奴婢各三十人大置酒日皆

綈講蔽膝此其證也別有禪衣無胡之禱非此臂禱也
胞人

莊子庚桑楚陽以胞人籠伊尹

釋文本又作庖

又作煇呂覽本

味有仇氏君令煇人養之注煇猶庖也禮記祭統煇胞
翟閭亦以胞爲庖

大蛾

詩傳只以短狐解何嘗有別名蛾之魅哉師古妄說

伯姬燔而諸侯憚

憚同癉公羊傳何休云重錄伯姬之賢爲諸侯所閔憂
釋詁癉勞也郭璞引詩哀我勞人正義云憚勞釋詁文

是痺憚通用應劭作敬憚解非也師古盲人專取俗說
淫亂之漸其變爲簾

繁露王道篇觀乎陳陀宋閔知妒淫之禍

集上書囊以爲殿帷

風俗通曰文帝雖節儉未央前殿至奢雕文五采畫華
襍璧璫軒檻皆飾以黃金其勢不可以書囊爲帷奢儉

好醜不相副俾

按未央前殿創自蕭何令後世子孫無
以加與文帝無涉集書囊爲帷自可他

處作障不必卽施前殿應劭之論固矣東觀記
舊制上書以青布囊素裏封書不中式不得上

推甲乙之帷

西京雜記武帝爲七寶床雜寶案厠寶屏風列寶帳設

于桂宮時人謂之四寶宮

易曰正其本

至

差以千里

說苑建本賈子胎教引易曰同列女貞順傳引作傳曰
知非易正文

夏育

秦策夏育太史啟叱呼駭三軍然而身死于庸夫

式道侯

晉書輿服志大駕鹵簿靜室令中道式道侯分左右最
在前

行步偶旅

字書無偶字列子立命篇北宮子偶偶而步釋文云本作跼字林云疏行人旅當爲脅證不石育骨也篆文從脅此旅乃脅之者也莊子列御寇一命而呂鉅音義云矯兒正與偶旅相證此則偃僕曲謹也

海內無雙

鹽鐵論毀學篇東方朔自稱辯略消堅釋右當世無雙執戟

賈子官人篇執戟居前能舉君之失過左右也唐書崔圓傳以鈐謀射策甲科授執戟百官志武后天授二年置諸衛司階中侯司戈執戟謂之四色宮

同胞之徒

胞疑袍之誤東方朔官宿衛指同舍郎爲同袍悉力募之說文募廣求也楊倞荀子注募招也趙策寡人願募公叔之義以成胡服之功

時異世異

文子道德篇世異則事變時移則俗易韓非五蠹世異則事異

恂恂而易其行

以上語見荀子天論

君子道其常

荀子榮辱篇君子道其常而小人道其怪

人至察則無徒

自此至使自索之並見大戴子張問入官篇

黠續充耳

大戴記作黠統

玉篇黠黃色也又統綿也與縶同

又晏子諫篇冕前有

旒多所見也續結琬耳惡多所聞也

以筦闕天

說苑辯物趙中庶子謂扁鵲曰以管窺天以錐刺地元史天文志太史郭守敬以謂昔人以管窺天宿度餘分約爲太半少未得其的明史厯志窺管圓徑寸許

以蕪測海

方言騷陳楚宋衛之間或謂之瓢韓詩外傳子貢曰

臣之事仲尼譬猶渴操壺杓就江海而飲之腹滿而去
又安知江海之深乎

以筵撞鐘

說苑善說篇子路曰建天下之鳴鐘而撞之以挺豈能

發其聲

文選注引說苑作筵與此同

按集韻筵說文莖也一日屋梁

筵說文維絲筵一日楚人結草折竹卜曰筵筭按王逸
離騷注筵小折竹也字當從筵莊子齊物論舉筵與楹
屬與西施此正以小大好醜相形而郭象解筵橫而楹

擬司馬彪以廷爲屋梁非是

孤豚之咋虎

吳子圖國備進戰退守而不求能用者譬之猶伏雞之搏狸乳犬之犯虎雖有關心隨之死矣

談何容易

鹽鐵論箴石篇賈生有言曰懇言則辭淺而不入深言則逆耳而失指故曰談何容易

惡來輩等

秦本紀惡來革者蜚廉子說苑雜言子石曰惡來革長鼻決耳楚詞惜誓來革順志而用國此輩字訛

汪文盛本及文

選並
是革

以咏先王之風

以上語書傳孔叢並同

八言七言上下

按楚詞章句有東方朔七諫疑卽八言七言不然不應
遺于劉向也又御覽三百五十有東方朔對騾騎難

從公孫弘借車

御覽

四百八十五

東方朔別傳曰朔與公孫弘借車書曰朔

當從甘泉願借外廐之後乘木槿夕死而朝生者士亦
不必長貧也

滑稽之雄乎

楚詞卜居突梯滑稽王逸云轉隨俗也鹽鐵論

世務篇

生無徒守推車之語滑稽而不可修

公孫劉田王楊蔡陳鄭傳

北地義渠人

一統志義渠故城在慶陽府甯州西北

封平曲侯

寰宇記平曲故城在霸州益津縣東三十三里

方輿紀要今霸

州日下舊聞

南山之竹不足受我辭

呂覽明理篇盡荆越之竹書罪無窮語本此

斜谷之木不足爲我械

軒轅本紀黃帝殺蚩尤于黎山之邱擲其械于大荒之中化爲楓木之林

疾置以聞

韓非難勢篇良馬固車五十里一置

丞相秘之

按帝在外而骨肉內變不可使外聞之秘之是也旣得璽書自如詔奉行

以牛車爲櫓

六韜軍用有武翼大櫓倉卒故以牛車輪代之春秋傳
狄虺彌建大車之輪蒙之以甲爲櫓是也

千秋爲高寢郎

褚先生田仁傳作長陵令車千秋

千秋上急變

鄭注太僕職云今時上變事擊鼓

妄一男子上書

晏子諫鴛君將使嬰勅其功乎則嬰有壹妄能書足以
治之矣

小車入宮殿中

齊書輿服志漆畫牽車

小形如輿車皆金塗校飾

御及皇太子所乘

卽古之羊車也今不駕羊猶呼此車爲羊車又輿車

形如

輿車漆畫全校飾人舉之

一曰小輿小行幸乘之皇太子亦得于宮

中乘之考工記有羊車鄭曰羊善也字通詳則先時本有羊車不謂以羊駕

爲被陽令

一統志被陽故城今青州府高苑縣治

延年起至更衣

此更衣似當爲廁論衡四諱篇更衣之室可謂臯矣然不以爲忌是漢又謂廁爲更衣鄭司宮人注匱路廁也

釋名廁或曰軒前有伏如殿軒也優軒聲同更衣之名

以此歟

御覽三百九十六陳留張伯喈夕時到更衣婦復牽伯喈按彼更衣亦與論衡同不爲延賓之室也

移長度

管子輕重甲死而不葬者子之長度並謂公家羨餘

以其能高人

家語觀周篇強梁者不得其死好勝者必遇其敵

嘗使行事肄宗廟

小宗伯職凡禱祠肄儀爲位鄭云若今時肄司徒府也

此長樂奉詔率百官肄丞相府服虔註謬乘朱輪者十

人列侯中二千石乃乘朱輪其可知者惟憚兄弟耳

仰天拊缶

墨子三辯農夫息于聆缶之樂文子上德篇君子有酒
小人鼓缶

習俗移人

晏子外篇汨常移質習俗移性荀子儒效習俗移志安
久移質

騶馬猥佐成

案太僕屬無騶馬署安得有史有佐漢官儀廐令置騶
二十人蓋騶之雜佐名成者

常兩吏扶夾

晉制光祿大夫以上給扶始此

輒加罪笞督

齊書江謐傳坐杖督五十隋書刑法志諸督罰大罪無

過五十三小者二十御覽

二百五十

晉令曰應受杖而體

有瘡者督之也按晉刑法志魏明帝令婦人加笞還從鞭督之例以其形體裸露故也然則笞須解衣督不解衣督是杖脊笞是捶臀也俗人莫曉督之義只訓爲督察御覽刑法部于笞杖之下猶存此名目

其辭曰

此爲鹽鐵論末篇汝南朱生作朱子伯中山劉作劉子雍

斗筭之徒何足選也

刺義篇文學之斥丞相史者深痛矣選與算同盤庚世選爾勞釋文選卽算也

楊胡朱梅云傳

楊王孫者

例不當單舉字西京雜記楊貴字王孫京兆人死卒裸葬於終南山其子孫掘土鑿石深七尺而下屍上復蓋之以石欲儉而及奢常璩漢中志云成固人

從上祠雍

功臣表祁侯它以元光三年免侯帝紀元光二年行幸

雍祠五時則祁侯書所云從祠雍卽在元光二年

口含玉石欲化不得

御覽

八百一十一

漢東園私記曰亡人以黃金塞九竅則尺終

不朽

八百一十八

以雲母壅尸則亡人不朽

葛藟爲緘

墨翟節葬篇堯北教乎北狄道死葬蛩山之陰衣衾三
領穀木之棺葛以緘之土地之深下毋及泉上毋通臭
尸子舜葬南巴之中衣衾三領欵木之棺葛以緘之

守軍正丞

說苑指武篇云守北軍尉

堂皇

廣雅釋器堂皇堅也

同釋宮無室曰榭郭云卽今堂堦

按今爲講武榭

黃帝李法

說苑理法李理義同兵陰陽家黃帝李法十六篇下軍法乃漢南北軍制也

致民志也

以上語見司馬法天子之義篇

渭城令

元和志秦咸陽縣在今縣東二十二里漢渭城縣亦理

于此寰宇記後漢省入長安

建自殺

鹽鐵論訟賢篇東海成顯河東胡建以術蒙舉起卒伍
爲縣令文學曰二公懷精白之行行忠正之道不避強
禦卒爲衆枉所排

攝齋

孔安國鄉黨注衣下曰齋皇侃曰裳下縫也說文齋綆
也師古謬爲裳

朱雲折其角

西京雜記長安有儒生曰惠莊聞朱雲折五鹿充宗之

角乃嘆曰爾粟犢反能爾耶吾終恥溺死溝中遂裹糧
從雲雲與言莊不能對逡巡而去拊心謂人曰吾口不
能劇談此中多有

丞相故安昌侯

張禹按故字當在丞相之上

尙方斬馬劍

唐六典武庫令職注云陌刀長刀蓋古之斬馬劍玉海
百五十一熙甯五年作坊造斬馬刀刃長三尺餘鐔長尺餘
首爲大環上出

以旌直臣

淮南齊俗訓晉平公出言而不當師曠舉琴而撞之跌

在宮壁

韓非難篇平公斂衽而避琴懷于壁

左右欲塗之平公曰舍之以

爲寡人戒說苑君道篇師經鼓琴魏文侯起舞曰使我言而無見違師經援琴而推文侯中旒潰之左右曰罪

當烹文侯曰釋之援琴于城門不補旒以爲寡人戒此

旌直臣故事也

宋史陳禾傳禾抗疏劾童貫奏未終上拂衣起禾引上衣謂畢其說衣裾落上

曰正言碎朕衣矣丙侍請上易衣上卻之曰留以旌直臣

容齋隨筆至今宮殿正中

一間橫檻獨不施欄楯謂之折檻自漢以來相傳如此

求假軺傳

晉書輿服志一馬曰軺車二馬曰軺傳

制作儀品

玉海

六十

論衡曰高祖詔叔孫通制作儀品十六篇按

後書曹褒傳云叔孫通漢儀十二篇

而以九九見者

事見說苑尊賢韓詩外傳

三

周髀算經商高曰數之法

出于圓方圓出于方方出于矩矩出于九九八十一注

九九者乘除之原也夏侯陽算經曰夫乘除之法先明

九九一從十橫百立千僵千十相望萬百相當滿六已

上五在上方六不積算五不單張上下相乘實居中央

言十自過不滿自當以法除之宜得上商從算相似橫

算相當以次右行極于左方

理軍市也

淮南詮言訓滌杯而食洗爵而飲浣而後饋可以養家
老而不可以饗三軍

循高祖之軌

韓非飾邪篇家有常業雖飢不餓國有常法雖危不亡
陛下不見其形

韓非有度篇人臣之侵其主如地形焉卽漸以往使人
主失端東西易面而不自知

始庸庸

今洛誥作𤇀𤇀杜預左傳注引爲𤇀𤇀按庸庸如熒熒六韜守土篇熒熒不救炎炎奈何炎卽𤇀書云火始則不當爲𤇀𤇀也

亦亡及已

韓非外儲右上子夏曰善持勢者蚤絕姦之萌

諸侯奪宗

通典

吉禮十一

宋庾蔚之謂曾子問宗子爲士庶子爲大夫

以上牲祭于宗子之家小記庶子不祭禰者明其宗也至諸侯尊絕大夫不得以太牢祭卿大夫之家是以經無諸侯爲宗服文則知諸侯奪宗各自祭不須就宗祭也

賢者子孫宜有土

昭三十一公羊傳曰曷爲通濫賢者子孫宜有地也

自劾吳章弟子

西京雜記平陵曹敞在吳章門下獨稱吳章弟子收葬其屍平陵人爲立碑于吳章墓側在龍首山南幙嶺上按傳作云敞彼爲曹敞參錯廣韻云姓出自祝融之後春秋邳子外傳姓元和姓纂漢有云敞皆據傳

霍光金日磾傳

安得遺詔

按帝紀武帝以後元二年二月崩光等以昭帝始元二

年封果有遺詔何至自逾兩年遺詔信妄也蓋上官氏銳欲自侯託之

止進有常處

詩傳委蛇行可從迹也與此義同

止畫室中不入

蓋已移光祿勳禁止也續志少府屬有畫室署長然則被告劾者待罪之所

欲歸温室中

三輔黃圖温室殿武帝建冬處之温暖也西京雜記曰温室以椒塗壁文繡被之香桂爲柱設火齊屏風鴻羽

帳規地以蜀賓翟瑜

典屬國臣武

容齋四筆武傳昭帝時免武官以故二千石與定策此奏直稱曲屬國宣紀封侯亦然恐誤

不素食

按喪服傳始死至葬朝一溢米夕一溢米既虞食疏食

程瑤曰喪服足徵記曰疏食者稷食也按人君于子卯稷食庶人凶年亦稷食水飲既練始食

菜果飯素食

程瑤田曰始食菜果即接云飯素食其爲無酒肉何待言

蓋葬前裁令

母絕粒餓死而已既葬始惡食不取飽至練後哀殺乃

復其故量取飽而止不飲酒食肉若侍于尊者亦食之

矣通計前後故鄭注素猶故也謂復平生時食也子夏作傳時安知佛法所謂葷素之食而顏籀以鄙俗習聞輕訾先儒經訓真小人無忌憚者至此傳稱不素食又別一義管子禁藏篇果蔬素食當十石注果蔬不以火化而食故曰素食墨子辭過篇古之民未知爲飲食素食而分處然則居喪之禮亦不火食只以糲粿菜果爲膳讀如春秋獻素之素亦不當以釋氏說爲解

輦道牟首

三輔黃圖牛首池在上林苑中西頭按昌邑王尙未得出宮殿瓚以爲牟首池非也左思魏都賦所云

師古誤云吳都

長塗牟首者牟旄聲同卽旄頭先驅也

閣室中

後書何進傳尙書盧植執戈于閣道窗下是閣道有室也

小馬車

黃圖有果馬廐述異記日南出果下牛高三尺漢樂浪

郡有果下馬並高三尺

魏志穢圖出果下馬漢桓帝時獻之

宋史輿服志

羊車古輦車也隋駕以果下今亦駕以二小馬

并佩昌邑郎官者免奴

御覽

百五

新序曰昌邑王治側鑄

注之誤

冠十枚以冠賜師

友儒者後以冠冠奴龔遂免冠歸之王曰王賜儒者冠

下至臣今以餘冠冠奴虜是大王奴虜裔臣也又

六百八十

新序曰龔遂諫云高皇帝花綬五等陛下取之而與

賤人臣以爲不可

節上黃旄以赤

按東京之世皆承用黃旄不敢改至董卓始改赤

見袁紹傳

注

祖宗廟祠未舉

未滿旣葬三十六日之制故未祠廟

爭臣七人

荀子子道篇作四人家語三恕篇仍七人蓋據孝經改

其以河北東武陽

河北縣屬河東郡一統志河北故城在解州芮城縣東北里許東武陽故城在東昌府朝城縣西

玉衣

後書東夷傳夫餘王葬用玉匣卽此玉衣

題湊

檀弓天子柏椁以端長六尺鄭云以端題湊也正義椁材並皆從下累至上始爲題湊之嚮也言木之頭相嚮而作四阿也

釋文題頭也湊聚也

呂覽節喪篇題湊之室高誘曰

室槨藏也題湊複累按此爲槨之題湊也喪大記注云

天子之殯居棺以龍輶櫓木題湊象槨上四柱如屋以覆之盡塗之諸侯輶不畫龍櫓不題湊象其他亦如之此殯之題湊也皆天子之制

至茂陵

寰宇記霍光冢在茂平二陵間今人耕田時得柏木如塹形謂之柏塹按傳云送至茂陵茂陵在西安府興平縣東北十七里則光墓當亦在此蓋平陵之西茂陵之東

長安男子張章告之

褚先生補侯表云章父故潁川人爲長安亭長失官之

北闕上書寄宿霍氏第舍卧馬櫪間夜聞養馬奴相與
語言諸霍氏子孫欲謀反狀因上書告反爲博成侯封
三千戶

卒不得遂其謀皆讐

顧炎武曰左傳僖五年無喪而戚憂必讐焉注讐猶對
也律歷志注鄭德曰相應爲讐也師古妄屬有功爲讀
非也

曲突徙薪

淮南說山淳于髡之告失火高誘注淳于髡告其鄰使
曲突徙薪鄰人不從後竟失火言者不爲功焦頭爛額

爲上客說苑權謀篇突作埃廣雅竈窗謂之埃

日碑粹胡

呂覽忠廉篇王子慶忌粹要離投之于江釋名胡互也在咽下垂能斂互物也

稭侯

說文作廐云濟陰有廐縣明志兗州府城武縣南有廐稭縣

賜姓金氏云

廣韻金姓古天子金天氏之後又漢複姓有金留氏按孝景王皇后先嫁金王孫爲婦是漢本有金氏

趙充國辛慶忌傳

隴西上邽人

明統志趙充國宅在秦州清水縣北二里

湟水

北一統志湟河番名波洛冲克克河在西甯府邊外西

北青海源出噶爾藏嶺入西甯西川邊內是爲西甯河

從沙陰地

至入窮水塞

按沙陰卽流沙地寰宇記居延海在甘州張掖縣東北
一千六百里古之流沙澤按鹽澤卽蒲昌海長坑長城
之窟寰宇記故長城漢書謂之遮虜障在肅州酒泉縣

北窮水塞亦在張掖縣北淮南地形訓弱水出自窮石

注窮石山名在張掖北塞水也

史記正義括地志云蘭門山一名窮石山在甘

州剛丹縣西南七里

按入此塞卽旱开所居鮮水上矣晉書載記

秃髮傳檀追沮渠蒙遜于窮泉是也

南抵屬國

此當爲張掖屬國時金城尙未置屬國

在陽關西南

一統志古陽關在安西廳沙州衛西南

兵難喻度

六韜軍勢篇勢因于敵家之動變生于兩陳之間奇正

漢書地理志卷三十一
發于無窮之源故至事不語用兵不言

小利不足貪

司馬法定爵曰軍無小聽戰無小利

四望陜中

寰宇記鄯州湟水縣四望山有水出其陽一名湟河亦
謂樂都水明志西甯衛東南有峽山石亦曰湟峽又東
有四望山亦曰四望峽

至落都

卽樂都南涼禿髮傉檀所居因此名一統志故樂都都
今西甯府碾伯縣治

行必爲戰備

吳子論將篇備者出門如見敵

止必堅營壁

通典

一百五十七

諸軍營下定事須防禦于營外去幕二十

步列隊伏如臨陣對寇晝夜嚴緊縱縫雨雪並押隊
官並不得離隊每營留五匹馬並鞍轡放飼防有警急
卽令馳告至夜每隊前百步外各著聽子二人一更一
替以聽不虞

至西部都尉府

地理志失載治所後書西羌傳和帝時曹鳳爲金城西

部都尉屯龍支元和志鄴州有龍支縣

明志西甯衛東南有龍支城吐

蕃曰宗哥城

羗豪相數責

吳子論行善行間謀輕兵往來分散其衆使其君臣相怨上下相咎是謂事機

疏捕

說文疋或曰胥字小司徒注胥伺捕盜賊也釋名疏索

也胥疏義同

左傳蒲胥之市呂覽行論作蒲疏之市

徼極廼擊之

說文徼徼徼受屈也子虛賦作徼徼

徼字當作徼此極从才乃邊徼

字誤司馬法嚴位篇凡戰擊其倦勞避其間窺

鮮水上者

後書段熲傳注今鮮水在今甘州張掖縣界一名合黎

水

正義一
名鮮水

一名羌谷水水地記鮮水今之青海番名呼

呼淖爾

微將軍誰不樂此者

顧炎武曰微字當屬下句言豈獨將軍苟安貪人人皆
欲爲之

酒泉侯奉世

侯當爲侯奉世卽馮奉世

五星出東方

天官書五星分天之中積於東方中國利積于西方外國用者利

太白出高

天文志出而高用兵深吉淺凶角敢戰吉不敢戰凶

守有餘

孫子形篇守則不足攻則有餘曹操曰吾所以守者力不足也所以攻者守有餘也

不致于人

見虛實篇杜牧曰不就敵人恐我勞也

六月戊申奏七月申寅璽書報從

容齋隨筆金城至長安一千四百五十里往返倍之中
間更下公卿議臣而自上書得奏報首尾纔七日爾按
初學記十二漢舊儀驛三騎行日夜千里爲程

徐行驅之

司馬法

天子之義

逐奔不遠縱綏不及不遠則難誘不及則

難陷

失此二冊

按前一策孫子所謂上兵伐謀也不得已而用兵釋罕
并誅先零所謂其次伐交也前策不行故堅持釋罕誅

零之議後策不行邊儲空虛故堅持屯田之議

菱藁至六石

孫子作蒔同其秆一石注石百二十斤

臨羌東至浩疊

元和志浩疊故城在蘭州廣武縣西南一百三十里蘭州

西北至鄯州四百里一統志臨羌故城在西甯府浩疊故在碾伯

縣東

美地薦草

韓非內儲說獸鹿唯薦草而就齊物論音義司馬云美

草也

從枕席上過師

大載記王言篇明主之守也必折衝乎千里之外其征也衽席之上還師

自敦煌至遼東萬一千五百餘里

明史兵志明史北邊地東起鴨綠

金地理志肇州始興縣有鴨子河明志自

在州東有鴨綠江卽一也

西抵嘉峪關中包大甯開平東勝居庸左

轉

昌平州西北有居庸關

爲漁陽

薊州

盧龍

永平府

當山海之交有關

曰山海關

永平府東北舊有榆關洪武初改置山海關

外爲遼陽鎮孤懸于

里三面臨邊一面阻海惟山海關一綫內通前代俱郡

縣其地

漢遼西遼東郡

明改置衛所居庸右轉循西山山北皆

塞外其邊鎮曰宣府

漢上谷郡下洛縣地明萬泉都司今宣化府

大同

今山西大

同宣府設衛開平東接大甯西聯獨石

唐新州龍門縣地

而開

平興和

有守禦千戶所

萬全爲要地永樂中開平徙獨石

地理志又

云宣德五年移開平于雲州之獨石地乎

宣府遂稱重鎮大同川野平曠故

寇鈔特甚西則平虜威遠

府西有平虜威遠二衛按金志恒州本威遠軍

中右

衛水口

西有大同右衛水口蓋黃河口

皆敵南窺應朔之路東則天成

陽和

府東北有陽和天成二衛

皆入順聖諸川之衝

金志西京路弘州有順聖縣本

安塞軍明志興和所

而平虜西連老營堡與偏頭關近

太原府河曲縣北洪武初置偏頭關與甯武雁門爲三關方輿紀要云是爲外三關

套部南行首

涉其境故大同頗難守居庸之北舊松林百餘里中有

門道騎行可一人即元札八兒導兵南入處紫荆倒馬

二關扼焉

蔚州廣昌縣東北有紫荆關按易州界南有倒馬關接定州界為內三關

右轉為

雁門

代州

甯武

代州崞縣西北今置府于此

偏頭三關隸山西鎮東

扞代郡外斷雲中內經太原北境西盡雍河而雁門絕

險自偏頭逾河稍南為陝西有三邊四鎮

陝西榆林甘肅三巡撫延

綏甯夏固原

榆林舊治綏德

漢膚施縣地唐為綏州明為綏德州

守在東

勝一

統東勝州故城在歸化城西黃河東岸

後東勝內遷失險

洪武初置東勝左右二衛

于此永樂初

而延綏徙榆林由黃甫川

一統志黃甫川在葭州府各縣

東六

西至定邊營

榆林衛西有定邊營接甯夏花馬池界今為榆林府定邊縣

千二

百餘里整堡勾連橫截套口西路甯固二鎮甯夏西北

卽賀蘭山也

元和志其抵河之處亦名乞伏山在黃河西從首至尾有像月形

東南阻

河內有漢唐二渠險固饒沃守在花馬地

一統志花馬關在甯夏府

靈州東花馬池西

包固原其中固原州者故開成縣

一統志本府安定郡

高平

自失河套鳴鏑內馳乃升縣爲州與甯夏相唇齒

其自賀蘭又西至鎮番極于甘肅明畧甘州五衛于張

掖肅州衛于酒泉涼州衛于武威西甯衛于湟中

卽金城郡

又置山丹永昌鎮番莊浪四衛

永昌以下武威地

列鎮河外薄

於砂磧而肅州西七十里爲嘉峪關左右羌戎又稱斗

絕按明于敦煌故地置沙州衛今爲安西州

木樵

莊子徐無鬼君亦必無盛鶴列于麗樵之間郭象云鶴列成兵也麗樵高樓也

不苟接刃

六韜軍勢篇上戰無與戰故爭勝于白刃之前者非良將也

持囊簪筆

晏子外篇擁札摻筆給事宮殿中晉輿服志筆者白筆也三臺五省二品文官簪之王公侯伯子男卿尹及武官不簪加內侍位者乃簪之手版卽古笏矣手版頭有白筆又八座尙書荷紫以生紫爲袷囊綴之服外加于

漢書卷一百一十一 卷一百一十一 三

左肩者周公負成王制此服衣

按此說謬成王年已十二

或云漢世

用盛奏事負之以行

按漢尚書當奏事張安世始終在尚書省故持囊管筆

齊書

輿服志肩上紫紱囊名曰契囊世呼爲紫莎

按梁書劉杳誤舉此

事爲張安世傳

與歙侯戰

陳景雲曰赤谷城在烏孫西偏與康居相接據匈奴傳

康居亦有歙侯之官且與烏孫連兵日久此與歙侯戰

者謂康居所遣將常惠屯田烏孫時漢與烏孫甚睦不

當有交戰事

遷郎中車騎將軍

按文衍軍字蓋辛慶忌爲長史已六百石又舉茂才爲
車騎將秩千石也下云爲校尉則秩二千石也

折衝厭難

齊策蘇代說閔王曰百尺之衝折之衽席之上說苑尊
賢篇遠乎賢者之厭難折衝也

號爲鮮明

續輿服志給辟車鮮明卒備其威儀

王翦頻陽人

耀州志頻陽故城在富平縣東北五十里今屬西安府

郁郅

一統志郁郅故城今慶陽府安化縣治

襄武廉褒

一統志襄武故城在鞏昌府隴西縣西南

傅常鄭甘陳傳

傅介子

西京雜記傅介子年十四好學書嘗棄瓢而歎曰大丈夫當立功絕域何能坐事散儒

鄭吉會稽人

後書鄭弘傳注謝承書曰弘曾祖父本齊國臨淄人官至蜀郡屬國都尉武帝時徙強宗大姓不得族居將三

子移居山陰因家焉長子吉雲中都尉西域都護寔字

記都護門在會稽縣南二里

此卽鄭吉遺宅樂史以爲晉王薈傳僞也

兜訾城

方輿紀要兜訾城在廢庭州境庭州城在火州北四百
十里

投石拔距

史記王翦傳軍中戲投石超距成二年傳高固桀石以

投人僖廿八年傳距躍三百張晏解皆是師古所說自

是後世拔河之戲

唐書兵志壯者爲角抵拔河之戲

通鑑中宗景龍三

年二月幸玄武門觀宮女拔河

胡三省云以麻組巨竹分朋而挽水謂之拔河

以定勝負非此拔距也齊書王敬則傳善拍張跳刀高與白虎幢等陳書黃法料距躍三丈明史兵志鄉兵真定之井陘曰螞螂手善運石遠者百步

試弁

呂覽古樂篇帝嚳乃令人抃注而手相擊曰抃文選思立賦注抃手搏也晉樂志百戲有神龜抃舞

山陽瑕邱人

一統志兗州府滋陽縣漢瑕邱縣宋大觀四年避先聖諱改曰瑕縣尋又改爲滋陽明成化間易滋爲巖故城在縣西二十五里

呼偈堅昆丁令

魏志注魏畧曰呼得國在葱嶺北烏孫西北康居東北
堅昆國在康居西丁令國在康居北勝兵六萬人或以
爲此丁令卽匈奴北丁令而此丁令在烏孫中明有北
丁令西丁令也呼偈卽呼得李德裕會昌一品集賈耽
古今四夷述云黠戛斯古堅昆國

都賴水中

通典

一百九十三

康居國王亦在蘇薤城卽都賴聲同按西

域傳康居有小王五一曰蘇薤王治蘇薤城隋書西域
傳云國郁那蜜水西曹國何國都那蜜水南皆舊康居
地蓋那蜜水爲彼上大水卽都賴水

閼蘇

後書西域傳奄蔡改名阿蘭聊北史西域傳粟特國在葱嶺之西故名奄蔡一名溫那沙囊宇記十三州志云奄蔡粟特各有君長而魏收以爲一國謬也粟特溫那沙皆閼蘇聲之轉胡廣所言誤也

北擊伊列

魏畧伊別國在康居北囊宇記康居與粟弋伊列鄰接至閼池西

新唐書西域傳于闐國有玉河

康居副王抱閼

隋西域傳有抱怛國通典引韋節西書記云親問其國人並自稱挹闐又按漢書陳湯征郅支康居副王挹闐抄其後重此康居之種類然傳自遠國夷語訛舛莫知根實今書作抱闐又傳寫之訛西域傳康居小王五曰奧鞬王當卽抱闐記者互異不考耳

男開牟以爲導

孫子軍爭篇不用鄉導者不能得地利

策慮幅億

方言桶幅滿也腹滿曰幅又臆滿也郭云幅臆氣滿之也億與臆憶通用師解爲憤怒非也

周書日記人之功至宜爲君

今周書佚此文賈子大政篇易使喜難使怒者宜爲君
識人之功而忘人之罪者宜爲貴

宜封竟爲新都侯

竟當作奔

玄門開

范望太原注

沈首

土爲中宮下爲玄龍已蟄而出是則玄

門開也宋書符瑞志易傳曰冬龍見天子亡社稷大人
應天命之符

五府舉

百官表是時丞相匡衡御史大夫李延壽車騎將軍許嘉大將軍王鳳右將軍王商

墊婁地

鄭氏音婁爲羸是猶能鳴其處師古妄改非也

雋疏于平薛傳

櫺具劍

說文櫺龜目酒尊刻木作雷雲象此亦當刻木柄象雲雷後世班劍制蓋如此晉灼所說蓮花形今儀衛陌刀有此象

劍者君子武備

初學記

廿二

賈子曰古者天子二十而冠帶劍諸侯三十

而冠帶劍大夫四十而冠帶劍庶人無事不得帶劍

太剛則折

說苑敬慎篇桓公曰金剛則折革剛則裂人君剛則國
家滅人臣剛則交友絕

右將軍勒兵

是時衛尉王莽爲右將軍

春秋是之

穀梁傳亦和同其說范甯云不達其義江熙曰經云納
衛世子鄭世子忽復歸于鄭稱世子明正也明正則拒

之者非邪按以論語不爲衛君辭之則公羊之邪說著矣

東海蘭陵人

于欽齊乘二疏宅在嶧州東四十里羅滕城墓亦在焉

城周五六里土人指以爲宅

按嶧州故承縣今改蘭陵縣

富者衆人之怨也

韓詩外傳李克曰富者則貧者惡之

東海郟人

說苑貴德郟作下邳二縣同屬東海

竟論殺孝婦

搜神記于公辨東海孝婦之冤而天大雨長老相傳云
孝婦名周青青將死車載十丈竹杆以懸五幡立誓於
衆曰青若有罪願殺血當順下青若枉死血當逆流卽
行刑已具血青黃緣幡竹而上極標又緣幡而下

北面備弟子禮

後書朱穆爲侍御史同郡趙康隱武當山以經傳教授
穆時年五十乃奉書稱弟子及康沒喪之如師古人宦
成名立猶折節如此

大錄于君

論衡正說篇尙書說曰言大麓三公之位也居一公之

任大總錄二公之事

蔡邕楊秉碑統大錄之重

按此今文尙書之說

王肅及僞孔傳從之魏晉後錄尙書事者謂之錄公本

此

經曰萬方有罪罪在朕躬

釋經者古文尙書也孔安國堯曰注此伐桀告天文墨子引湯誓其辭若此按周注內史過曰其在湯誓余一人有罪無以萬夫萬夫有罪在余一人韋昭注云湯誓商書伐桀之誓也今湯誓無此言則已散亡矣然則西京時真古文應有之孔安國親傳古文何用引墨子故近人

劉明經文淇

疑論語孔注亦非真本也

醢藉

古惟作溫藉通作蘊爲醢非也鄭箋小宛詩溫藉自持祭器注溫藉重禮疏引皇氏云溫謂承藉凡玉以物溫裏承藉君子亦以威儀擯相以自承藉今定本作溫字又當云溫潤相承藉也內則注溫藉也承尊者必和顏色酷吏傳尹齊少溫藉是俗體之未盡刊改者師古改作醢而解爲醢釀按禮經並無醢字至其妄撰匡謬正俗反譏鄭不當改讀爲蘊然謬與俗莫如師古也

縣其安車

曲禮注安車坐乘若今小車也正義庾蔚云漢書駕一

馬而安乘也白虎通致仕篇懸車示不用也

此漢之始祖

唐世韓愈等禘祫義蓋惑于此王安石則悍然行之遂于大祖之外別創一始祖名目則平當其始作俑者也何焯曰臨川新安廟議所本然太上皇未可援后稷太王王季爲比孟子但言以天下養非文王之聖周公亦不敢以配天也

勃海鹽池

水經注

清

清河又東逕漂榆邑故城南俗謂之角飛城

趙記云石勒使王述煮鹽于角飛卽城異名矣魏土地

記曰高城縣東北百里北盡漂榆

雖指云漂榆城在今靜海縣北東臨

巨海民咸煮海水藉鹽爲業按勃海今之河間天津滄

景州地一統志鹽水沽在天津府東南六十卽古豆子

航

唐書寶建德僞遁云亡入豆子航中

名勝志滄州清池卽古鹽池輿地

志云清池在東南二十里其水澄清味鹽未嘗柏涸

上尊酒十石

如淳注引漢律自是實事師古至妄庸乃駁漢律乎按

齊民要術有造梁米酒法四時皆得作笨麴一斗殺米

六斗大率一石米用水三斗又糴米耐法笨麴一斗殺

米六斗計六斗米用水一斗一石米不過一斗糟悉著

甕底酒色似麻酒先能飲好酒一斗者惟禁得升半飲
三升大醉一斗酒醉二十人又黍米酌法亦以正月作
七月熟笨麴一斗役米六斗悉用糶酬法芬香美釀皆
亦相似多飲殺人又粟米酒法惟正月得作餘月悉不
成用笨麴不用神麴按本麴專造酒者後醫家造神麴專以供藥力李時珍曰蓋取諸神聚會之日造之故得神名愚謂以神對笨自是造法有遲速不因取日得神名也要術又有造神麴法大率麴末一斗水八斗殺米一石四斛畢四七二十八日酒熟貧薄之家所宜用之又魏武帝上九醞法奏曰九醞春酒法用麴二十斤流水五石臙月二日清麴正月凍解好稻米三日一釀滿九石米止若以九醞苦難飲

增爲十釀易飲不病九醞用米九斛十釀用米十斛俱
 用麴三十斤但米多少耳此則稻梁稌黍粟各有釀法
 其厚薄之齊卽爲上中下尊之差稷卽稌也呂覽木味注稌關西謂之糜翼
 州謂之聚羅願云稷稌黍皆一物語音之輕重也本草
 別錄稷入上品粟入中品羅願云梁今之粟類今人以
 穀之最細而圓者爲粟則梁是其類李時珍曰黏者爲
 秫不黏者爲粟故呼此爲仙粟北人謂之小米又陶弘
 景云稌米與黍米相似而粒殊大則粟米與稷米粒大
 小懸殊師古以爲稷卽是粟真不辨菽麥之徒矣又晉
 書劉弘傳爲荊州刺史下教云酒室中齋中酒聽事酒
 假酒用麴米而優劣三等皇甫松醉鄉日月以家醪
 觴醉人者爲君子以家醪黍觴醉人者爲中庸以巷
 醪麥觴醉人者爲小人此並上中下三尊之說也

哀鰥哲獄

今呂刑作哀敬折獄書大傳子曰書曰哀矜哲獄此訛

矜爲鰥焉融曰折智也折與哲同

王貢兩龔鮑宣傳

遷九鼎於雒邑伯夷叔齊薄之

周書克殷解命南宮伯達史佚九鼎三巫按班之言本于左傳桓二年師古漫引叩馬而諫吳仁桀所云大非班氏本旨

園公

隸釋有園公神坐神祚機園稱陳留耆舊傳自序云園公爲秦博士避地南山至稱十一世而陳留志又云園公姓庾字宣明常居園中因以爲御覽

八百廿四風俗通園

氏四皓園公亦作園庾信哀江南賦敘世系伋之

元和姓纂

本風按漢隸既有明文以圈爲正

黃公

吳志注會稽典錄虞翻對太守王郎曰鄞大里黃公潔已暴秦之世此黃公爲會稽人也姓字譜云夏黃公姓崔名廓字少通齊人隱居修道號夏黃公恐出僞造

角里先生

角當爲角廣博物志陳留志云河內軹人角里先生

四人旣至

廣博物志應曜隱于淮陽山中與四皓俱徵獨不至時

人語曰商山四皓不如淮陽一老

谷口有鄭子真

皇甫謐高士傳鄭樸字子真修道靜默世服其清高大將軍王鳳以聘之遂不屈

蜀郡嚴君平

高士傳蜀有富人羅冲者問君平曰君何以不仕君平曰無以自發冲爲君平具車馬衣糧君平曰吾病耳非不足也我前宿子家人定而役未息晝夜汲汲未嘗有足今我以卜爲業不下床而錢自至猶餘數百塵埃厚寸不知所用此非我有餘而子不足耶冲大慚君平歎

曰益我貨者損我神生我名者殺我身竟不仕

導之以善

大戴立孝與父言言畜子與子言言孝父與君言言使
臣與臣言言事君

著書十餘萬言

作老子指歸

及雄著書

至二人

按法言淵騫篇或問子蜀人也請人曰有李仲元者人
也不屈其意不累其身曰是夷惠之徒與曰不夷不惠
可否之間也皇甫謐高士傳李弘字仲元蜀人居成都

之圭里里中化之斑白不負擔男女不錯行弘嘗爲縣
令鄉人共送之元無心就行因其酣飲月餘不去刺史
使人喻之仲元曰本不之官

琅邪皋虞人

一統志皋虞故城在萊州府卽墨縣東北今名皋虞社
寰宇記縣東北五十里

細旃之上

韓詩外傳天子居廣廈之下帷帳之內旃茵之上

欲治之主不世出

文子下德篇欲治之主不世出可與治之臣不萬一

仁壽之域

徐幹中論天壽篇有三書五福一曰壽此王澤之壽也
詩曰其德不爽壽考不忘此聲聞之壽也孔子曰仁者
壽此行仁之壽也

貴賤有章

管子立政雖有賢身貴體無其爵不敢服其服雖有富
家多貲無其祿不敢用其材

王陽能作黃金

風俗通正失曰語曰金不可作世不可度王陽居官食
祿雖爲車馬衣服亦能幾何何足怪之乃傳俗說班固

之論陋于是矣

宮女不過九人秣馬不過百匹

檀弓注舜三夫人夏后氏增以三三而九春秋說云天子取十三卽其制也說文餼穀食馬也鹽鐵論散不足篇古者諸侯不秣馬天子有命以車就牧此俗說也吾何僭矣

公羊昭廿五年傳昭公語子家駒曰吾何僭哉
廼日步作之

廣韻步馬習馬孫愐按左傳左師見夫人之步馬字不從馬按周禮庾人職教駢攻駒注教駢始乘習之也今

漢書地理志卷三十一
四
俗謂之溜馬亦曰壓馬

雖百子何以加

晏子外篇景公曰五子不滿隅一子可滿朝

捽少杷土

鹽鐵論水旱篇貧民或木耕手耨法言修身篇簞瓢捽
茹方言杷采衛之間謂之渠拏郭云無齒爲扒則杷有
齒矣韓詩外傳八譬猶兩手杷泰山

是爲賢耳

以上語與新書時變篇同彼正言孝文時風俗如此

隨王歸國

固辭梁元帝金樓子龔舍初仕楚王非其所欲見飛蟲
觸蜘蛛網而死嘆曰仕宦亦人之羅網也遂挂冠而退
時人謂之蜘蛛網隱

爲重泉令

一統志重泉故城在華州蒲城縣東南寰宇記縣南五
十里

聞之白衣

白衣謂庶人道路之言耳何必以官府給使爲白衣韓
昌黎詩白布長衫紫領巾差科未動是閒人亭長掌固

舊唐書職官志檢校省門戶倉庫廳事陳設之事

陳鴻祖東

城父老傳云老人早時行都市間見有賣白衫白疊布
行鱗比厘間近者老人閱街衢中東西南北視之見白
衫者不滿百人豈天下盡執兵
耶按此則村氓正着白衣也

若同產同產子一人

按此宋致仕蔭補之法職官志云曾仕宰相及見任
三少使相三人曾任三少使相執政官見任節度使二
人太中大夫以下及侍御史一人此同產同產子宋文
臣蔭補之法一品期親補承奉郎

舍家居在武原

方輿紀要武原城在邳州西北八十里

勿隨俗動吾家

種柏作祠堂皆于冢畔卽是隨俗動冢豈謂發掘之禍膏以明自銷

莊子人閒世山木自寇也膏火自煎也御覽引蘇子云蘭以芳自燒膏以明自燭

高城人

寰宇記高城故城在滄州鹽山縣南四十里

東州丞

方輿紀要東州城在河間府東北六十里俗名如林鄉去法駕駕一馬

一馬則輶車庶人所乘也冊府元龜五百八十八景雲二年

八月皇太子釋奠國學有司草儀注令從臣皆琴馬着衣冠太子左庶子劉子玄進儀曰按江左官至尙書郎而乘輕馬則爲御史所彈

民有七死而無一生

慎子鬻子語曰聖王在上位無軍兵之事則民得一生無凍餒得二生無夭遏之誅得三生無厲病得四生

倉頭廬兒

守舍兒也孫子注所謂家子漢舊儀掖庭有廬監人官奴婢擇給書計從侍中以下爲倉頭青幘與百官從事從入殿省中續漢志注風俗通曰尙書御史臺皆以官

倉頭爲史主賦舍守門戶

姦人之雄

荀子非相篇姦人之雄聖王起所以先誅也

白虹軒日

集韻軒蟲名一曰犯也

髦髦

方言純髦好也郭云髦髦小好兒

少豪俊易長雄

褚先生田仁傳任安以爲武功小邑無豪易高者也

被虛僞名

六韜上賢篇朴其身躬惡其衣服語無爲以求名言無
欲以求利此僞人也

蔣詡元卿

初學記

八十三

輔決錄曰蔣詡舍中三逕惟羊仲求仲從

之遊二仲皆推廉逃名羣輔錄羊仲求仲二人皆治車
爲業挫廉逃名蔣元卿之去兗州還杜陵荆棘塞門舍
中有三徑不出惟二人從之游見嵇康高士傳

浙江書局重刊

丁立誠校

吳士鎔校

高復祥校